

## Entre eun doktor hag eur bugel.

*Ann doktor*

Lavar d'in-me, ma bugelik,  
Piou en deuz livet ken koantik  
Ann oabl bolzet a-uz d'hon fenn,  
Hag ar bokedo er c'hlazenn ?

*Ar bugel*

Er c'hatekiz em euz desket  
Eo dorn Doue 'neuz ho livet.

*Ann doktor*

Piou en neuz d'ann heol kemennet  
Skuilla sklerijenn dre ar bed ?  
Piou, da noz, deu da ledra  
Ann devalijenn war bep tra ?

*Ar bugel*

Ann hini eo ann nenv he vro,  
Ann Aotro Doue he hano.

*Ann doktor*

Piou en neuz gwisket d'ann evnik  
Eur zae ken flour ha ken braoik ?  
ENN he c'houk piou en neuz kuzet  
Eur vouezik ken kaer da glevet ?

*Ar bugel*

Doue 'neuz roet d'al labous  
Eur zae ken kaer, eur vouez ken dous.

*Ann doktor*

Piou, euz ann nenv enn da gichen  
'Neuz lakaet ann eal da ziskenn ?  
Eun eal, he labour deiz ha noz  
Kas da ine d'ar baradoz.

*Ar bugel*

D'inn eo bet roet ma eal mad  
Gant karantez Doue ma Zad.

*Ann doktor*

Piou war da dro en neuz lakaet  
Eun tad, eur vamm kement karet ?  
Piou a ro d'ezhe he skoazeill  
Da c'honit bara d'ho bugel ?

*Ar bugel*

Digant Doue, me oar ervad.  
'Meuz bet kerent ken dous, ken mad.

*Ann doktor*

Piou a vezda bep mare  
Anaoudek e-kenver Doue ?  
Piou vo, 'vel ar Mabik Jezuz,  
Leun a doujanz, fur ha sentuz ?

*Ar bugel*

Me 'vo bepred evel Jezuz  
Leun a doujanz, fur ha sentuz.

(tennet euz ar « c'hannad ar galon Zakr »)